

西山羣仙會真記

清虛洞天華陽真人施肩吾希聖撰

三仙門弟子李竦全美編

識道

葛仙翁曰天下無二道殊途而同歸聖人無兩心百慮而一致古今一道聖賢同心逮夫道原既判心識自分談道者強自分別同流異派摘葉尋枝自為見解以獨立教門萬物之理既不能窮一己之性胡為而盡如釋子滯於頑空乃以今世求於後世儒者執於見在遂以少年榮為老年殊不知先聖之行道存乎一心也

道藏輯要

羣仙會真記

卷

翼集九

西山記曰呂先生言幼習儒業長好性宗修天爵而棄人爵鄙頑空而悟真空天爵止於人事真空不離因緣

葛仙翁曰以五常言道止得其緒餘用三乘見性難窮其根蒂是知道不踈於儒釋儒釋自踈於大道歷古及今聰明有識之士莫不留心清虛而志在玄元也迨以安樂延年次以長生不死默盜天機當為己用自人昇仙而為天官何止儒者之虛榮於當年由百歲延而及萬年何同釋子之因報於後世修真者邪正不可不辯也欲識大道三教中太上為先一身之外更何求也

識法